

江陰縣志

卷一卷二

二冊

220.168  
39  
部=2

江陰縣志卷之一

建置



班固論都以浚城隍修宮室為備制度豈一邑而獨不然哉江陰自秦漢以來郡國縣鄉軍州路望歷代沿革不同蔡志以年表例列之即禮經所謂建國置都也而前志合城垣署宇為一亦事增文省之載筆乎嗟乎數年兵燹滿目荆榛凡由舊之規模實從新之圖度後之溯創始者不啻草昧經綸焉然則宰斯邑者當何如次第修舉也志建置

沿革

江陰縣志

卷一

建置

沿革

夏屬揚州

商屬揚州吳泰伯立隸句吳

史記吳世家泰伯弟仲雍皆周太王之子而季歷之兄也

季歷賢而有聖子昌太王欲立季歷以及昌於是泰伯仲雍乃奔荆蠻以避季歷自號句吳荆蠻義之立為吳泰伯注引吳地記曰泰伯居梅里在闔閭城北五十里吳越春秋云泰伯當商之末恐中國兵及其境築城周三里二百步外郭三百餘里郡志云泰伯城在無錫縣東南四十里梅里鄉黃志云無錫正與江陰接壤吳越春秋又謂其外郭三百餘里則江陰在其封域無疑

周隸揚州之句吳是為延陵以封季札

史記吳世家泰伯十九世至壽夢立

而稱王子四人長諸樊次餘祭次餘昧次季札季札賢而壽夢欲立之季札讓不可棄其室而耕乃舍之後餘祭立封季札於延陵號曰延陵季子宋志云江陰古延陵境也自吳季札避位而耕封於延陵遂為季子所居之地延陵今統屬之常越滅吳延陵屬越元王四年吳州而札之墓在申浦

句踐所滅楚滅越延陵屬楚以為春申邑顯王三十六年楚威王大敗越殺王無疆盡取吳故地至考烈時封其相黃歇為春申君後徙封江東城故吳墟以為都邑延陵亦在封內

秦滅楚置會稽郡以延陵為鄉

漢平秦取會稽郡改延陵鄉為毘陵縣析延陵之地為鄉

屬之是為暨陽鄉前漢地理志毘陵注季札所居師古曰舊延陵漢改之羅志云縣有暨陽

湖因以名鄉則鄉境在湖以西申浦以東及三山石堰芙蓉繖墩等處宋志云秦漢以來郡則會稽縣則毘陵

茲以鄉屬是名暨陽注云按魏文帝皇覽云季子豕在毘陵縣暨陽鄉而李吉甫元和郡國志亦云江陰本漢

暨陽鄉封劉賈為荆王縣屬荆國暨陽以鄉附前漢地理志會稽郡注高帝

六年為荆國荆國除封劉濞為吳王縣屬吳國鄉附漢志

江陰縣志

卷一 建置沿革

會稽郡注高帝十二年更名吳吳國除徙劉非為江都王縣屬江都國

鄉附漢志會稽郡注景帝四年屬江都江都國除封劉胥為廣陵王縣

屬廣陵國鄉附廣陵策文云大江之南五湖之間廣陵國除縣以鄉復

屬會稽郡王胥立六十四年詛咒事新莽篡漢改縣為

毘壇

東漢誅莽復縣為毗陵隸屬如故分會稽置吳郡縣屬吳郡鄉

附永建四年始分會稽為二郡浙以東為會稽郡浙以西為吳郡毘陵仍屬焉暨陽以鄉隨

後漢孫權據江東國號吳吳郡以縣屬吳鄉附

晉太康元年平吳二年分吳郡置毘陵郡縣屬之鄉附始

析毘陵縣之暨陽鄉并分無錫縣地置暨陽縣建治東

土仍隸毘陵郡永嘉五年改毘陵郡為晉陵郡縣屬

海王世子諱改 毘陵為晉陵 咸康七年罷暨陽鹽署立南沙縣

**宋齊俱仍晉舊**

**梁廢暨陽縣置江陰郡徙治君山之陽分蘭陵縣地置江**

**陰縣割蘭陵郡之利城縣并置梁豐縣於暨陽之墟以**

**屬之**初晉元帝渡江僑立郡縣以處淮北流徙之眾邑

有利城郡有南蘭陵皆隸南徐州咸康以後暨陽

分爲南沙今常熟縣是也而利城舊在吳郡海虞北境

至宋元嘉八年遷於利浦乃屬南蘭陵及蕭梁置郡而

江陰利城梁豐三縣皆屬焉江陰之名始於此按自晉

置暨陽縣建治楊舍鎮梁廢之置江陰郡改築君山之

陽而建治焉蓋卽所謂古城者是也於是分蘭陵縣地

及暨陽西境故地爲江陰縣又割蘭陵郡之利城縣并

創梁豐縣於暨陽之墟凡三縣屬焉曰梁豐者示梁土

之豐大也舊志建置初不詳其歲月僅據沈文阿傳云

**江陰縣志 卷一 建置沿革 三**

**陳永定元年廢梁主方智爲江陰王以郡爲江陰國**二年

侯景平文阿監江陰郡景平在承聖元年則梁之置郡

當在承聖之前矣而江陰縣之置或云在敬帝太平年

間者非也夫郡不自治既立郡必有附城之縣利城梁

豐既非附城則江陰縣之置豈容在立郡後乎考梁紀

及通鑑於天監十年云是歲梁之境內有州二十三

郡三百五十縣千二十二是後廢置離合不可勝紀

**隋平陳國除開皇九年省江陰郡併利城梁豐入江陰縣**

於外邸以武林侯蕭咨子季卿嗣太建

三年季卿以罪免封蕭彝爲江陰王 至德元年徙郡

治於夏浦 梁主於江陰雖建國以奉梁祀而實置郡統

縣以伺察防守之梁帝但食其所入如山陽公以來之

制而已初未嘗有其土地人民也故郡治徙於夏浦而

梁氏主自居君山故城或竟以江陰

爲梁國疑當時未必有郡守者誤矣

仍徙治於君山之陽隸常州 是時罷晉陵郡置常州大

業三年復改爲毘陵郡唐

興仍改  
為常州

唐武德三年以江陰縣置暨州復分江陰縣置暨陽利城

二縣以屬之九年省暨州復併暨陽利城為江陰隸常

州天寶元年改常州為晉陵郡至德二年復改為常州會昌四年升縣為望唐制縣有

赤畿望緊上中下之差滿四千戶為望時天下望縣六十八常州居四晉陵武進無錫江陰也

南唐以縣置江陰軍續通典江陰縣偽唐昇元中建為軍馬令南唐書建國譜亦書以江陰縣

別置軍  
年不著

宋淳化元年軍廢三年復置之熙甯四年軍復廢建炎二

年復為軍紹興二十七年軍復廢三十一年復置之江陰

於開寶八年歸宋版圖至太平興國二年乃錫軍額淳化元年廢為縣三年從縣人司諫張觀之請復為軍至

江陰縣志 卷一 建置 沿革 四

熙甯四年又廢為縣建炎中興沿江守禦從父老胡崇等請復縣為軍紹興二十七年因浙西安撫榮蕤疏言

江陰財賦本出一縣乃供一州之費遂致徭役科率倍於他州復廢為縣三十一年講修江防之策又復之其

廢也則縣屬於常州其復也則縣統於軍治至德祐元年元取江陰軍以為本軍行安撫司事而江陰遂非宋

有矣

元至元十三年升軍為路總管府二十八年降路為州隸

常州路尋以州為上州隸江浙行中書省元之廢路為州也州民不

堪煩擾於是州達魯花赤兀魯失不花等言於省憲請於朝為上州隸江浙行中書省

明取江陰州改為連洋州洪武元年復改為江陰州二年

改州為縣以揚州泰興縣之馬馱沙來屬仍隸常州府

沙在縣北揚子江心孤山凝閣衝流之剩土也孤山卓立波濤中四面潮泥口以附益浸成平壤東西七十里

南北二十里宋元半隸泰興  
半隸江陰明初乃全以來屬  
置靖江縣沙屬江陰時立巡檢司鎮之成化三年僉都御史高明以江盜弗靖請於朝增設縣丞分莅其地七年巡撫滕昭奏立靖江縣屬本府  
成化七年析縣之馬馱沙

國朝為縣如故仍以常州府領之

江陰向係中缺歸部銓選自乾隆三十三年改為要

缺在外調補

城池

梁古城置江陰郡縣時勑築也跨乾明演教二寺故址陳

隋唐因之

南唐改縣為軍曰軍城徙而稍西約一里許祥符圖經云

周十三里唐天祐十年築建門四東延慶西欽明北通

江陰縣志

卷一

建置 城池

五

津南朝宗

按唐亡於天祐四年此稱十年者蓋唐亡吳王楊行密仍稱天祐之號然則此城吳所改

築也

宋增子城門四東曰新津南曰觀風西曰望京北曰澄江

外城門五東曰春暉西曰天慶南曰朝宗北曰愛日東

北曰建寅

新津慶元五年知軍葉篔修紹定二年知軍顏耆仲重修觀風望京澄江三門並知軍史

修之

元定江南盡廢城郭至正十一年兵起始詔天下復繕治

焉時州人黃傅攝州事率鄉民畚土築之制度減舊矣

明龍鳳三年增築土城發磚石加女牆周九里三十步高

一丈五尺四門仍舊名曰春暉天慶朝宗愛日門皆有

樓歲久夷如平地正德元年知縣劉紘始修西南二門  
六年知縣王鉞復裒民築之城還其舊東南北各爲水  
關悉登以石明年流賊薄城居民賴以保障十年知縣  
萬玘修北水關十四年推官王鈞架扉木覆簷瓦以避  
淫雨嘉靖十二年知縣李元陽增城樓八座各當空缺  
瞭望相屬二十二年巡江御史馮璋得贖錢若干疊石  
培址甃磚爲面幾三之一二十八年知縣毛鵬始改磚  
城三十一年知縣錢鏞聞倭寇浙中亟甃城完北隅之  
缺義士黃鑿輸銀六千造城三百餘丈倭至民得無患  
三十三年知縣金柱合四城而甃之高二丈二尺四周  
長一千三百九十六丈一尺計九里十三步改北門爲  
澄江門增子城四黃鑿任其三徐治許登等各捐貲佐  
役又設城鋪三座敵樓窩鋪二十二座三十五年倭至  
薄城四十日堅不可破嗣是屢有增修崇禎八年知縣  
馮士仁修城樓馬道十一年復修南北水關

國朝順治二年

大兵南下東南北各傾圮數十丈縣丞卞化龍修之雍正十  
三年知縣蔡澍請發帑重葺城高二丈五尺寬五尺城  
頂四尺周九里十三步計一千六百八十七丈三尺城  
樓四座角樓四座窩鋪十六座水關三座大城門四座

小城門四座乾隆五十四年知縣牛兆奎修澄江門城樓嘉慶五年知縣單澧通葺道光二十五年知縣金咸大修咸豐十年粵匪竄踞至同治二年淮湘水陸軍克復江陰縣礮燬東北隅城垣數十丈署縣事沈方煦繕修費由善後局籌支光緒二年知縣沈偉田修水關水柵城門城樓堞樓窩鋪等處其費每畝隨漕收一文半共計一千二百六十一千有奇

外城河自南外陳家橋過永安橋循城西流歷天慶門轉而北至龍鬚河口曰南轉河自南外米行橋循城東流轉而北歷春暉門又折而西至澄江門曰東轉河兩轉

江陰縣志

卷一

建置 城池

七

河長二千二百九十二丈七尺江湖自黃田港進者出永定壩西分派一達城濠入北水關一循北城入鄭涇河由西南入南水關江湖自黃山港進者由秦涇橋歷土橋入東水關

東南北三門舊有闌明嘉靖間置今皆爲水關

潮水內達爲內

城河長八百四十八丈三尺分流散繞貫徹全城其自南關入者歷杜康橋至聖母橋抵周橋之北與東關之自堰橋來者合流西行北關水歷倉橋善政橋右折爲二支南流入學宮之玉帶河北流自學埽後度文亨橋道光元年學使姚文田相度學宮形勢命塞學埽後河其自南流入玉帶河者歷彙征橋屈曲至鴻漸橋歷龍



頭橋東至進賢橋與東南之合流者匯焉外河形勢稍闊雖有停滯疏洩尚易惟內城地隘人稠積投瓦礫浮沙停淖動輒填淤無論舟楫鮮通重念人民待汲以炊朝夕饗殮既艱於取水尤恐祝融肆虐當江潮縮涸之日冬令更爲可慮故斯邑城河宜濬急於他邑明崇禎六年學使甘學闊捐濬并濬玉帶河嗣是不治者三十年

國朝康熙二年知縣何爾彬倡疏六年署縣鄭重十三年知縣龔之怡繼濬然舊制通邑一十八區分工應役在城力役尚責西鄉一二三區西民苦其偏累往往塗飾卒

江陰縣志

卷一

建置 城池

八

事雍正七年署縣張經始合通邑丁夫計土分段合內外河疏之乾隆四年知縣蔡澍復以河身淤淺詳請大濬民樂趨事閱七日而工竣二十五年知縣汪邦憲三十一年知縣何奏成四十六年知縣吳瑛五十二年知縣牛兆奎五十九年知縣楊世綬嘉慶十六年知縣何南圭道光六年知縣王澐相繼疏濬咸豐八年知縣何煥組濬同治五年邑紳以經兵燹城河愈加填淤稟請知縣顏榮階開濬計分十段河身長九百七十七丈十一年署縣林達泉濬

此次開挑捐廉倡率內城河照章分段其南外高橋河三門水關外

河計三百四十五丈四尺亦一律通濬

楊舍堡城在縣治東七十里介江海之濱最爲要害舊無城明嘉靖間累被倭患且爲鹽盜出沒藪三十七年巡按御史尙維持特疏請建檄知縣杜華趨受事華以兵燹後頗難之里民許蓉出爲規畫得四府協解銀一萬四千兩且出家財佐之不八十日而工竣周圍凡六百餘丈高二丈三尺門四東曰控海西曰通江南曰暨陽北曰翊京水關一引流東注內外河隍畢具崇禎十二年知縣馮士仁增修敵臺窩鋪九十六座嗣後遇有殘缺均係楊舍馬嘶顧山華墅章卿周莊六鎮承修於城牆上刻明六鎮界段嘉慶五年知縣單灃飭修道光二

江陰縣志

卷一

建置 城池

九

十二年知縣金咸飭修同治二年夏淮揚各軍收復城堡仍飭六鎮分葺

重修城垣記

國朝知縣 蔡澍

暨陽瀕江而城自京口抵海洋水道數百里爲扼塞鍵鑰處當明中葉倭寇陸梁攻圍者數矣乙酉革運邑人

大兵

閱八十日而後登陣邑雖小百雉之繫較他郡縣爲重余以乙卯冬莅任甫視事卽周歷垣塹相度其修廢見夫雉堞圯壞樓櫓欹側馬道夷卸殆盡而城西南隅折裂十餘丈磚磔下墜積成邱陵門扇後潛而登者若履康衢雖置戍守之而不逞者白若也明年夏五霽潦洊臻東南兩橋門傾其一角壞及民舍敵樓及四城角樓皆先後圯塌兩水門橋牆亦全毀其他殘缺摧損之處亘九里中相屬不絕也余以衛民首城郭不敢視爲緩務臚列其情形請於上官凡三反而始得題達邀給帑銀及萬金資繕治焉承命日審厥緊次而先後之凡購料釐工授餼董成之役躬親擘畫炎風暑雨不敢言勞

計自十月肇始至庚申五月觀成凡重建四門城樓暨  
角樓共十數櫺東南西北水門三南水關橋二拆修東南  
月城各一修砌城牆緊工三百六十八丈馬道如之堵  
砌城堞三百六十疏建水洞一既報竣奉大部准崇明  
縣例核減工匠口糧銀四百兩為捐俸償之蓋斯城燦  
然改觀而予之心力亦用是告瘁矣爰誌其端委如此  
匪敢云

序績也  
原報緊工項下城牆一百五十五丈七尺城堞一百五  
十一個馬道一百四十一丈五尺南城大城門圍牆東  
城水洞東南西北三門水關四城大小城門共用料銀四  
千六百二十八兩九錢九分有奇共給匠夫銀七百十  
一兩九  
分有奇  
續報緊工項下城牆一百一丈三尺城堞一百十二  
個馬道一百六丈三尺東城大城門圍牆四城門凸上  
半截城牆七段三十六丈九尺南城水關橋兩座共用  
料銀三千六百八十九兩一錢八分有奇共給匠夫銀  
五百四十九兩  
六錢八分有奇

江陰縣志

卷一

建置 城池

十

二次水脚銀三百三十  
六兩九錢六分有奇  
通共用銀九千九百十  
五兩九錢三分有奇  
奉部核減實准銷銀九千一  
百九十二兩六錢三分有奇  
計用物料椿木每根長一丈五尺圓一尺二寸蓋椿石  
每塊寬二尺厚四寸青方石每塊寬一尺厚一尺城磚  
每塊長七寸七分寬五寸厚二寸匠每名  
每日工錢五分夫每名每日工銀四分

新修江陰縣城垣記

邑人

季芝昌

道光二十五年乙巳秋七月二十九日新修江陰城垣  
工竣其高二丈五尺周九里十三步城門四城樓四月  
城四月城門四角樓四水關三窩鋪十六小鋪二水洞  
一悉仍其舊而缺者補庫者增薄者培圯者築規模加  
整肅焉至堞口女牆城櫃馬道一律皆新發也發慮於  
二十一年辛丑二月設局於壬寅五月十一日開工於  
是年九月初五日閱三載而告成最其費為錢七萬六  
千六百九十緡有奇官捐十之一民捐十之九工與料

皆照民價實給主持其柄暨分理其事者皆廉謹幹練  
鼓舞有方體卹罔懈故役久而勞怨不與按志所載江  
陰有城始於蕭梁至元初而廢明初復築嗣是屢有增  
修迨季年邑紳黃鑾出家貲大修而規制漸備

國朝順治二年

大兵南下城之東南北三面傾圮各數十丈縣丞卞化龍修  
之雍正十三年知縣蔡澍請發帑金萬兩通行修葺蔡  
君治江陰有聲能用民力百廢具舉故城亦得以繕完  
乾嘉之間知縣牛兆奎單湮復加修理然小小補綴於  
事無濟日久遂殘缺不堪存者亦鼓裂欹側無可憑恃  
辛丑春夷警渡及浙省瀕海城邑無不震竦時攝令江  
陰者爲新城陳君延恩以茲邑江海門戶關係重大建  
議修城選邑人張君錫齡督匠確估纖悉畢照勸輸得  
錢二千緡方圖興作旋卸篆去接任者爲錢唐金君咸  
銳然引爲己責捐廉倡導決計大修請於大府舉董集  
費經始有日矣會夷艇聯艘過境迺停工防範中秋後  
英夷就撫金君亟諭各董先將東門城樓撤舊重造餘  
以次繕修制府之蒞江勘視大小石灣礮隄工程者均  
以茲城逼近大江力加獎督邑人益踴躍輸將而署常  
州府事張君復檄署司馬楊君鳳翮覆勘監督因協力

江陰縣志

卷一

建置 城池

土

共濟焉茲役也未雨綢繆先眾創議騰箋遍告剖示機  
宜且擘畫梗概使事有端緒可引伸而不紊者陳君功  
也均節財用通融參酌動之以誠懇濟之以慈和幸令  
悍者馴伏慳者恍慨不偏聽以掣辦事之肘不膠執以  
灰獻謀之心者金君功也若夫籌項計工旬稽攷覈劑  
量緊慢潔己恤人斯夕忘倦謗譏不生則總董王君寶  
珪馮君治沙君淮章君樹榮實始終之至於定存改購  
餽暨遴匠作畫程式察勤惰俾有料必實有工必堅緊  
惟張君錫齡之力蚤作晏休總司出納煦煦嫗嫗俾在  
事者有長必見有隱必伸齟齬之心習焉自化則我族  
人所之勞勩亦有足稱者矣工既成備文申報署郡事  
李隨制府璧督同邑令金詣工驗收卽彙入江防善後  
事宜入

告明年丙午四月十六日  
欽派戶部尚書賽刑部左侍郎周覆勘

旨凡捐

賞出力人員均獎叙如例茲不具書書其事之節次以  
備法式抑更有說焉城所以保民而保城者仍在民今  
之屹然環衛洵足蕃此廬井矣第不知自茲以往莅茲  
土者果常有如前之蔡君後之陳君金君其人者乎苟

能有之則撫綏畜養以阜蕃其生齒訓誨激勵以敦厚其風俗斯競懷敵愾之忱羣識親上之誼家城郭而戶樓櫓其無形之鞏固又烏可量哉余於茲舉雖畧盡綿薄而趨事赴功終有媿於諸君故附以保城之說後之感覽者儻亦有感於此云

### 濬江陰縣城河記

署縣 林達泉

濬城河自北外龍鬚河口起至北水關為河一百五丈入城抵花橋東至東水關南至南水關城中之河九百九十丈出城自南水關至南端明橋為河二百六十五丈估工河面寬五丈四丈三丈以至於二丈五尺不等河底寬一丈五尺或一丈七尺或二丈二尺較現河濬深三尺有奇土方一萬二千有奇築大小壩七座僱夫一千一十名自正月初二日築壩越二十八日而畢濬勘工與西城河及連河河底平居民云自道光六年王大令濬大濬後此亦其深通者也用錢三千五百緡章合興捐款六百其二千九百則由縣捐廉濟當河未濬復秋之交潮勢甚猛僅容輕舸冬春之間潮小河涸涓滴不畱善堂築壩蓄汲停水穢濁不可食須赴城外遠汲

### 江陰縣志

#### 卷一

建置 城池

七

水價昂貴擔水有至四五十文者予住倉中用水夫一人及冬增至三人猶缺於水居民之艱汲可知及河既濬活活活活云紆徐澹澹重載之舟往來通利冬月潮小船艦亦可由水關入昔人詩云江上城湟古鏡中於此猶可彷彿當年也夫水利農田相為表裏城河雖無與農田然舟楫資挽運饗殮資炊汲風高日燥以禦火災乾旱水溢以便蓄洩而形家者之言且以鍾美流惡為蔚起人物況江陰城河據邑治上游為咽喉要地通則合邑均利塞亦交病故濬之不可不急尤不可塗飾耳目而必以寬且深克盡河之利吳諺有云潮來一筭積與邑之賢士大夫數年之間一為開濬則功費較輕是則予之所厚望城河之濬邑志與運河同派合邑民夫兵燹之後民力可念故由縣捐辦然舊章宜循未可以此而輕為變易也是為記

### 新築楊舍城記

明邑 薛甲

島夷不靖歲擾江南聖天子赫然震怒爰啟睿謨命將出師折其渠魁既受俘於明堂天子曰吁咨爾蒸黎亦

既粹止如水云潰曷崇其防於時臣監察御史尚公維  
持膺命而來按治茲土既飭憲度聿宣皇仁相地所宜  
築五城於江海之上萬雉干雲羣醜褫鬼迄公莅任不  
敢犯其境而吾邑楊舍新城則所築之一也其地聯界  
三方控轄吳會前此當事者以其闊遠聲教嘯聚逋逃  
每為奸宄之所窟宅負販之所往來思欲題請建立縣  
治而羣議紛然未有成績嘉靖乙卯川沙柘林之寇盤  
據踰年習知險阻遂分其從為三一從吳淞趨嘉湖一  
經孟瀆趨揚鎮其一從茲地入圍江陰攻無錫大肆焚  
戮民靡安居者三年而禍猶未弭論者益思前議之當  
行而終未有任其事者至是公所經畧適與議符羣情  
咸服然猶私相謂曰茲兵火之餘府庫竭矣財將安出  
流移多矣力將安庸且有城而無兵以守猶無城也公  
意雖美將有終之難乎既而公移文所屬會計贖金之  
餘均給諸城而吾邑得一萬四千餘兩財用充矣常鎮  
應募之兵二千餘人公於僱直之外人日給米二升銀  
二分使供畚鍤之用徒庸具矣參將把總之官奉旨添  
設而未定所公曰以茲城居之所以遵明旨也規畫  
既周綜理有條乃授事於吾邑尹杜侯華俾遵行之先  
築參府以昭具瞻次築軍營以處執役之士其次為游

江陰縣志

卷一

建置 城池

三

兵把總司又其次為巡檢司以處范港之遷入者兵民  
不擾萬杵齊聲甫五閱月而工用告成公署之外凡為  
門四為營房三百間城以丈計凡六百有奇昔之曠莽  
鬱為偉觀民願數年慰於一旦望之者疑若天造地設  
恍不知其所自來也邑之父老感今念往樂公之仁圖  
報無所而公以期滿將代於是相率請於杜侯願託金  
石以永公德於無窮而侯以其文委之於甲甲惟志切  
者無淺圖謀遠者無近慮公秉監軍之任當羽檄紛馳  
之日豈不知委任責成聽其所為分別功罪以道一時  
之責而願身履艱大為此勞且費之圖者何哉其志誠  
切而其慮誠遠也且夫東南之倭懸隔巨海乘風而來  
剽掠而去非有攻城畧地之志也待之者譬若穿齋然  
但高吾垣墉謹備之而已承平日久生齒益蕃瀕海膏  
腴悉為村鎮高費大棟彌望無涯加以勾引之人日窺  
月伺而吾無城郭以保障之無兵卒以捍衛之此為誨  
盜慢藏安得而不啟戎心也司國計者鑒其所以失而  
圖其所以得則當如國初湯公和故事據險築城以壯  
其猷豈宜列戍徵兵待若嚴敵未見寇而先困吾民也  
哉皇上之德同符高皇而所委任之臣亦於湯公無忝  
用能發獨見於羣議之中樹宏規於恆情之外保障有

所捍禦有人而民得免於流離失業之患則斯築也將  
東南之人世世子孫尸祝於公豈一隅父老可得而私  
也然吾聞之彤管之章君子取節則父老之情亦自有  
不容己者茲賢侯之所為屬而甲雖不文亦有所不容  
辭者乎是役也兵憲熊公勉學與有勞焉而成公之志  
者侯也董役而佐資者列之碑陰既記其事系之詩曰  
惟明受命萬方畢臣孰句島夷逐利逋民千里海壖其  
塗沒脛孰是徵兵而以力逞以我所短攻彼所長疥癬  
不理浸成巨瘡憲臣南來獨排羣議據險扼衝屯堡棋  
置乃築川沙乃營柘林爰及茲土連絡高深先聲所加  
羣醜脅息謀遠萬年匡我王國我有蠹賊憲臣驅之我  
有瘡痍憲臣嘘之屹屹垣墉惟憲之猷芄芄黍苗惟憲  
之休藪爾江鄉憲車戾止觀洛興思懷仁不  
已皇有天險海無驚濤我詩我歌以比嵩高

### 官署

學使署在大街虹橋東舊為巡撫行臺明萬歷間學使者

王以甯移文邑令許達道創新之始移駐焉崇禎間學

### 江陰縣志

#### 卷一

建置

官署

西

使倪元琪以轅門偏於通衢試患擁擠價撤民居大之

國朝康熙十五年廨宇傾圮學使邵嘉檄知縣何且純次第

修整乾隆五年知縣蔡澍增設未備後規模踵加為江

南官署之冠嘉慶二十五年學使姚文田檄知縣蕭瑾

修葺通署龍門增高二尺道光十九年學使祁寯藻檄

署縣陳延恩增建新東新西文場共二十二楹改置石

腳几坐凡為號二千有奇費由常屬八邑通捐咸豐十

年毀於匪屏牆外椽瓦無存同治三年克復後邑紳繪

圖由縣詳憲分飭各屬重建四年興工七年告竣其制

前為屏牆東西植木為轅門內建鼓亭旗杆各二左右

爲班房各三間東舍人廳五間西號吏房五間又東爲齋奏廳四間中間爲頭門左右爲巡捕廳及巡兵駐宿處五間門內東土地祠西執事房各三間進爲儀門左右兩角門共三間其後架木爲表榜曰龍門兩旁爲文場各十二間中爲甬道北接月臺又北爲堂前泊水三間進爲大堂五間東岱道廳五間西吏廳三間廳北關帝殿三間堂之後爲川堂東爲堂房二間西爲卷房二間及旁屋九間進爲宅門左門房右簽押房各三間內爲崇素堂三間堂東紫薇庭三間前爲衡鑒堂五間旁屋二間折東而南城隍司一間庭後爲丹桂樓樓下爲

大雅堂上下共六間庭東從屋六間崇素堂後爲燕喜堂五間堂後爲佳蔭樓上下共十間崇素堂西爲薪樵堂三間前大廚房二間北爲存心堂三間

以上新建台計工料錢三

萬五千六百串通省均派內考棚工程三千八百七十餘串常屬八邑通派 陳志載存心堂之西北爲知聖道齋齋之西爲列岫亭面亭爲池池北有亭曰存雪亭之南臨水爲榭曰香巖榭其旁又有亭曰知樂亭乾隆五十二年又拓存雪亭之旁曰平底畫船如北建小樓曰觀稼樓均未建復 先是學使補行

歲科兩試皆於郡治龍城書院而駐節猶在泰州迨節署落成仍舊移駐嗣因應試人數較多坐號擁擠遂於

光緒元年就舊址建復新東西文場學使林天齡捐廉

倡率常屬官紳捐資合辦

計工料錢五千餘串官任其四紳任其六椅桌木面石腳



悉如舊制

### 學使題名

學使者巡部校士襜帷無定舍職也而節駐亦有常所江陰之有試院蓋舊制江南分巡下江而設入

國初仍厥舊後合江上下為一官江陰句容駐節常所不之

改凡莅斯任者例得題名刻石焉

此係學使邵嘉碑載原文

自雍正

三年分設江蘇學政以上江各屬隸安徽學政考校以下江各屬隸江蘇學政考校而使節遂專駐江陰惟學使為

### 朝臣特膺

### 江陰縣志

### 卷一

建置

官署

六

簡命之官且按轄通省不得與職官合表故於邵公所紀題名

後續載各學使履任年月附於使署之後云

明

萬曆四十二年始駐江邑

王以甯

字成所浙江山陰人萬曆四十二年任

駱駿曾

字象先浙江武康人四十六年任

毛一鷺

字儒祁浙江遂安人泰昌元年任

孫之益

四川邛州人天啟三年任

周邦基

湖北麻城人五年任

陳保泰

福建惠安人七年任

李懋芳

浙江上虞人崇禎三年任

甘學闊 字元宏四川鄰水人四年任

倪元琪 浙江上虞人七年任

元 燁 字選浦山東濰縣人十年任有傳

張鳳翮 陝西城固人十年任

宗敦一 四川宜賓人十四年任

朱國昌 十七年任

國朝

陳昌言 字道莊山西澤州人前甲戌進士順治二年任

蘇 銓 字次公直隸交河人前丁丑進士四年任

李允岳 字峩居河南永城人順治丙戌進士六年任八年

江陰縣志 卷一 建置 官署

李嵩陽 字茲佩河南豐邱人前庚午舉人八年上下江合

石 申 字仲玉順天灤州人順治丙戌進士翰林院侍講

張能鱗 字玉甲順天大興人順治丁亥進士十二年任是

胡在恪 字念嵩湖廣江陵人順治乙未進士十六年任

孫允驥 字淵溪福建南安人順治乙未進士康熙元年任

梁 儒 字宗洙漢軍鑲白旗人順治乙未進士四年任

簡 上 字謙居四川巴縣人順治辛卯舉人七年任

虞二球 字天玉浙江定海人順治戊戌進士十二年任

解幾貞 字蘭石陝西韓城人順治壬辰進士十三年任

邵 嘉 字令孺浙江富陽人順治乙未進士十五年任有傳

劉果

字木齋山東諸城人順治己亥進士十八年任

田雯

字綸霞山東德州人康熙甲辰進士按察司僉事十九年任

趙崙

字聞仙山東萊陽人順治戊戌進士按察司僉事二十一年任

李振裕

字醒齋江西吉水人康熙庚戌進士翰林院侍講二十四年任

高裔

字素侯順天宛平人康熙丙辰進士翰林院侍講二十七年任

許汝霖

字時庵浙江海甯人康熙壬戌進士左春坊左贊善三十年任

邵嗣堯

字九緘山西猗氏人康熙庚戌進士直隸參議道三十三年任有傳

張鵬翮

字運青四川遂甯人康熙庚戌進士兵部侍郎三十三年任

張榕端

字子大河南磁州人康熙丙辰進士內閣學士三十六年任

張泰交

字公孚山西陽城人康熙壬戌進士太僕寺少卿三十九年任有傳

江陰縣志

卷一

建置 官署

六

張廷樞

字景峯陝西韓城人康熙壬戌進士翰林院侍講四十二年任

魏學誠

字無偽直隸蔚州人康熙壬戌進士左春坊左諭德四十五年任

楊中訥

字崑木浙江海甯人康熙辛未進士左春坊左諭德四十八年任

張元臣

字懋齋貴州銅仁人康熙丁丑進士左春坊左諭德五十年任

胡潤

字河九湖廣江夏人康熙辛未進士左春坊左庶子五十一年任

余正健

字乾行福建古田人康熙丁丑進士國子監祭酒五十三年任有傳

林之濬

字巨川福建建安人康熙丙戌進士左春坊左中允五十五年任

謝履厚

字坤侯雲南昆明人康熙己丑進士翰林院檢討五十六年任

鄭任鑰

字魚門福建侯官人康熙丙戌進士翰林院侍講六十年任

佟法海

滿洲鑲黃旗人康熙甲戌進士右都御史雍正二年任

俞兆晟 字穎園浙江海甯人康熙丙戌進士翰林院侍讀

鄧鍾岳 字東長山東東昌人康熙辛丑狀元詹事府詹事

張廷璐 字寶臣安徽桐城人康熙戊戌進士禮部侍郎自

劉吳龍 字紹聞江西南昌人雍正癸卯進士左都御史乾

張廷琛 字桓臣安徽桐城人雍正癸卯進士工部侍郎六

劉藻 字瀛海山東荷澤人乾隆丙辰宏博內閣學士七

開泰 字靜庵滿洲正黃旗人雍正甲辰進士兵部侍郎

崔紀 字南有山西蒲州人康熙戊戌進士國子監祭酒

尹會一 字元孚直隸博野人雍正甲辰進士工部侍郎十

莊有恭 字滋圃廣東番禺人乾隆己未狀元兵部侍郎十

江陰縣志 卷一 建置 官署 十九

崔紀 副都御史十五年四月再任

莊有恭 戶部侍郎十五年九月再任

雷鋹 字翠庭福建甯化人雍正癸丑進士通政司通政

夢麟 字午塘蒙古正白旗人乾隆乙丑進士內閣學士

李因培 字其材雲南晉甯州人乾隆乙丑進士光祿寺卿

劉墉 字石庵山東諸城人乾隆辛未進士翰林院編修

李因培 兵部侍郎二十七年再任

梁國治 字階平浙江山陰人乾隆戊辰狀元吏部侍郎三

曹秀先 字地山江西新建人乾隆丙辰進士國子監祭酒

景福 字介之滿洲鑲白旗人乾隆壬申進士副都御史

彭元瑞 字雲楣江西南昌人乾隆丁丑進士詹事府少詹

謝 壩 字金圃浙江嘉善人乾隆壬申進士工部侍郎三

劉 壩 內閣學士四十二年再任

彭元瑞 戶部侍郎四十五年再任

謝 壩 吏部侍郎四十八年再任

沈 初 字雲椒浙江平湖人乾隆癸未進士兵部侍郎五

胡高望 字豫堂浙江仁和人乾隆辛巳進士兵部侍郎五

劉權之 字德輿湖南長沙人乾隆庚辰進士禮部侍郎六

平 恕 字寬夫浙江山陰人乾隆壬辰傳臚內閣學士嘉

錢 樾 字黼堂浙江嘉善人乾隆壬辰進士禮部侍郎四

江陰縣志 卷一 建置 官署 三

平 恕 兵部侍郎六年再任

劉鑲之 字信芳山東諸城人乾隆己酉進士兵部侍郎九

莫 晉 字錫三浙江會稽人乾隆乙卯榜眼太常寺卿十

萬承風 字和圃江西義甯州人乾隆辛丑進士禮部侍郎

玉 麟 字研農滿洲正黃旗人乾隆乙卯進士吏部侍郎

劉鑲之 戶部侍郎十五年再任

文 幹 字遠皋滿洲正紅旗人乾隆甲辰進士內閣學士

陳希曾 字鍾溪江西新城人乾隆癸丑探花兵部侍郎十

王以銜 字勿庵浙江歸安人乾隆乙卯狀元詹事府詹事

湯金釗 字敦甫浙江蕭山人嘉慶己未進士內閣學士二

姚文田

字秋農浙江歸安人嘉慶己未狀元戶部侍郎二十四年任

周系英

字石芳湖南湘潭人乾隆癸丑進士戶部侍郎道光二年任有傳

辛從益

字謙受江西萬載人乾隆庚戌傳臚工部侍郎五年任有傳

朱方增

字虹舫浙江海鹽人嘉慶辛酉進士內閣學士八年任

申啟賢

字鏡汀河南延津人嘉慶壬戌進士工部侍郎八年任

白 鎔

字篠山直隸通州人嘉慶己未進士吏部侍郎十年任

汪守和

字巽泉江西樂平人嘉慶丙辰榜眼戶部侍郎十年任

廖鴻荃

字鈺夫福建侯官人嘉慶己巳榜眼內閣學士十年任

龔守正

字季思浙江仁和人嘉慶壬戌進士兵部侍郎十年任

祁騫藻

字春浦山西壽陽人嘉慶甲戌進士戶部侍郎十年任

江陰縣志

卷一

建置 官署

三

毛式郇

字伯雨山東歷城人嘉慶己未進士禮部侍郎二十年任

張 芾

字小浦陝西涇陽人道光乙未傳臚詹事府少詹陞工部侍郎二十四年任

李 煌

字栴堂雲南昆明人嘉慶丁丑進士署吏部侍郎二十六年任

青 麐

字墨卿滿洲正白旗人道光己丑進士光祿寺卿二十八年任

何桂清

字根雲雲南昆明人道光乙未進士戶部侍郎咸豐二年任

奎 章

字雲臺蒙古鑲藍旗人道光乙巳進士詹事府詹事四年任

李聯琇

字小湖江西臨川人道光乙巳進士大理寺卿六年任

孫葆元

字蓮塘直隸鹽山人道光己丑進士禮部侍郎八年任

梁 瀚

字海樓陝西鄠縣人道光丙申進士戶部侍郎十年任

孫如僅

字松坪山東濟甯人咸豐癸丑狀元侍講學士同治元年任

宜振 字春雨 漢軍內務府人 道光乙巳進士 工部侍郎

鮑源深 字花潭 安徽和州人 道光丁未進士 左副都御史

童華 字星海 浙江鄞縣人 道光戊戌進士 吏部左侍郎

彭久餘 字味之 湖北江夏人 道光丙申進士 吏部左侍郎

馬恩溥 字雨農 雲南太和人 咸豐癸丑進士 閣學兼禮部

林天齡 字錫三 福建長樂人 咸豐庚申進士 翰林院侍講

新建督學察院記

明郡 孫慎行

在昔大雅歌武王作鎬始辟雍教化東西南北無思不  
服而終以豐水之芑長育人才至翼子貽孫賴其用夫  
于重嘉歎以為數世之仁蓋人才之關世道學校之關  
人才若是重也夫南都固國家豐鎬地也跨江南北數  
千里遼闊學使者巡行或不徧輒他遷去又人文彬盛  
域中雅推焉即巡行更患疲閱日不暇給至今皇上御

江陰縣志 卷一 建置 官署

宇十數年間廟堂累籌畫計增學臣或江江北則按臣兼  
督迄無成議蓋至大比歲學使者缺江南北盡按臣攝  
者時有之歲癸丑南都若湖廣諸摺紳益嘖嘖議臺省  
上章請慎行時署禮官乃集議條上以為南都乃高皇  
帝肇造之所湖湘又肅皇帝湯沐之所兩地宜隆重同  
而其地遼闊又同應如羣議各增設一員分董之俄而  
旨下報可適官議紛如諸事多欲減省是獨議增且諸  
奏請多患畱中久不報是獨隨請隨下蓋我聖天子之  
顧瞻舊邦加意人才深矣於是王公欽承新命來督學  
其地若蘇若松若常鎮若淮揚徐其巡行隨各郡便無  
常居所設為院則常之江陰以為地僻且道理均也其  
校吾常及人比後遺才則皆於是院未浹歲諸郡業巡  
行徧公肅風聲嚴象魏所緩急俱中士習窾要廟堂高  
其聲隨以晉大理丞請昔者魯作泮宮詩人頌焉其教  
士以色笑其屈羣醜以順長道可謂周詳宛至矣而卒  
也思及淑問之皋陶豈非明刑弼教有相佐者耶國家  
設學臣兩畿獨用臺長彈壓是將以明刑者弼教其治  
行高等則多異而擢之晉為理丞是又將以弼教者明  
刑殆非無以日來士行不順道頗甚往時三吳俗華地  
浮即廟堂崇重憲臣歲歲以功令勤飭猶虞馴戢不易

公固名御史博大雍容色笑可親也家自越嘗令義興用高行選夫以其鍾於越者教吳則鑑衡易清又以其習於吳者督吳則法程難犯是宜旌別章瘳稍試其淑問之餘而聲明倍己而理丞命尚需未即下眾想聞者且謂我聖天子嘉惠豐鎬舊邦無己時而俾王公尚雷弼教以觀雅化之成蓋德意良盛夫天下事初未嘗不振勵後乃漸渝學校諸司望也三吳實天下望今日學臣初增又為後來學臣望然則斯院之設豈惟王公弼教之精神於是乎新即聖天子廣勵學宮創法更制豐名以甯戊戌進士以廣東道御史任今差院始甲寅九月成乙卯五月因東察院舊所拓新之庀材歲役則觀察使俞公維宇郡守陳公幼學令尹許侯達道金侯廷璧例應書而以王公命來趣余記者則司理何公薦可也因得並書

### 增修江陰考棚記

國朝學政 祁雋藻

國家培養人才超軼前古士之應科歲試者大縣多至四五百人小縣不下二三百人而秀民之應童子試者

## 江陰縣志

### 卷一

建置

官署

三

更倍蓰焉江蘇為人文淵藪各屬試院皆漸次增廣而常郡猶仍舊制東西兩文場僅容千四百人而武陽宜荆應試文章每場率二千以外使者廳事及平時吏役治事之所皆編列坐號華離紛糅巡徼難周舊號亦多頽圯且簷宇卑庫晝景如晦几坐皆用木脆弱易搖又有古樹穿出椽棟之間每當風雨驟至滲漏者十居其半蓋院外隙地率高院內數尺開拓為難而舊例修葺經費皆支官項動撥尤不易以故東文場於丙申歲大風毀後雖經更建而規制狹隘西文場之楹欂腐如故也戊戌夏余校試常郡日觀生童踟躕之狀出入礙步左右礙肘心甚憂之適九學廩生稟請勸捐增修即允其請捐廉為倡八邑咸踊躍從事遂於歲杪鳩工庀材明年春余將按部淮徐凡調集捐貲選舉紳董則屬之江陰令陳君延恩及廣文顧君翔雲劉君銘夏五月余自淮上歸而工已告竣隘者廣高者平晦者明搖者固新檐古木兩不相侵計人列號適逾其數階除溝廁位置秩如陳君語余曰舊文場東院內隙地甚廣其西則鄰近前明功臣二吳侯祠雖經祠裔捐隙地視東猶隘故東西各增建文場十一間東每間十架而西減其二舊有城隍祠內班房在今西新文場地今移建於東



因地勢也新舊之間庭各廣丈六尺新文場外夾道各八尺繚以磚牆高丈六尺厚尺六寸其外復以牆繚之重關防也其坐號每人占地廣尺八寸深四尺東西舊文場容七百五十人新文場容千二百五十四人堂上泊水設堂號容二百四十四人几坐俱以厚木為面青石為足防抵觸與動搖也四圍濬溝曲達於外備水潦也凡用錢約八千緡而平址購石居其半焉是役也經始於戊戌十二月落成於己亥五月為時甚促幸尅日告成規模式廓不可無文以示後來余惟事有宜急者不可緩義所當為者不容辭此舉當籌議時其中委曲繁重之故有非一二言所能殫述者賴陳君主其成諸邑令長師生襄其事士民輸其力江陰職員張世承生員沙淮世承之子監生錫齡董其役雖集貲有難易初議有異同毅然作之及臻厥成而人心晏如也余曩歲視學湖南增修岳州號舍工竣示諸生曰善教者廣其居善學者廣其儲廣則不孤隘則無餘請以斯言與多士交勗焉至陳君以一邑任闔郡之勞以數月建百年之功愛士之誠出乎天性此多士所其鑒而無待余言也者

江陰縣志

卷一

建置

官署

三

重建江蘇學政節署記

學政 童華

聖上朝廷

江蘇學政按試八郡三直隸州南北亘二千餘里建署於江陰地適中也咸豐庚申署燬學使者畱住淮安試院後僦泰州民舍以居同治甲子江甯告捷卽命舉行江南鄉試總督曾公國藩巡撫李公鴻章承意檄江陰令顏君榮階建復學政署屬四品卿銜編修江陰季君念詒董之豈非以庠序之政不可緩故雖百役待舉必先汲汲於是哉署始建於前明萬厯甲寅乙卯間因巡撫行臺改作之基宇寬廣然其中臺榭池沼非公署所必需可任其廢圯者蓋過半焉署舊設東西文場為調考常州八縣人士之所道光己亥復於其隙地增號舍曰新文場今則就試之士數猶未復於其舊也顏君季君度地計工集眾議上于大府若悉如舊制則所費較鉅若取舊制損益之則工省而事易集曾公李公從其後議興工於同治丙寅六月告成於戊辰四月門庭堂皇棟宇輪奐凡吏役所棲止及安庋卷牘之室皆依舊制無闕文場之舊設于東西者容七百五十人今廓數尺容七百八十四人新文場之地則平治而曠之以備異日之漸為增也署後為內宅三重其左右

命受任

國家

國初

各有室三區庖廚井湍具備繚以周垣垣以外東西北三面隙地數十畝復以重垣環之而署之故址悉復矣建署之資三萬一千八百緡入郡三直隸州分任之建文場之資三千九百緡常州專任之顏君工未畢受代以去代者汪君坤厚鍾之以底於成其佐季君以終始厥事者候補同知陳君式金試用訓導沙君准曹君宗瑋候補縣丞沙君迺楨皆江陰人也華以丁卯拜視學

於泰州戊辰閏月乃移駐茲署觀其經營位置置冗費節而實事有加是可嘉已抑念閭閻草創官府猶日不暇給而獨汲汲於是舉得亦無謂大有需于多士而學官弟子益當與學使者交相激勵乎哉季君來告曰是宜有記華不文然職所在弗可辭爰書其梗概如右

增建江陰考棚記

學政林天齡

江陰有試院仿於明萬曆年間仍之而學使者專駐江陰則自雍正十三年始值考事常郡八邑之士咸集焉舊制東西文場容七百五十人道光十九年祁文端公視學屬邑令陳君修葺因拓地

江陰縣志

卷一

建置 官署

三

增建新文場十一間容千二百五十四人規制益廓文端公有文記之咸豐庚申燬於粵匪之亂城復後閱四十年而試院始建文場之制僅沿其舊余於同治十三年莅任先按常郡遇兩邑合試數逾千人增堂號仍不能容郡守譚君請曰新文場之基址尚在也盍復之爰捐廉為之倡估工須錢五千緡官任其十之四餘以屬八邑之紳士僉議允諧踴躍襄事署邑侯金君沈君先後營度計就東西隙地各增九間可編坐五百六十號所購厚木堅石有逾舊觀階除欄楯周環相屬距繚牆尚有餘地以峻關防便巡閱也堂號倚卓亦以餘資添置煥然一新凡八闕月工告成邑紳陳舍人榮邦經紀其事生員沙淮仍前記董役之人也竊維事之廢興視夫人新文場之建距今五十餘年前人繼事之經營亦規於久大而己矣語曰莫為之前雖盛不彰非文端公之籌議開於先後之興復者亦無可憑藉而增其式廓宏規之度若茲其不易也方今學額日增青衿溢於庠序與秀民之選者務益培其根柢廣其器識毋安小成毋狃凡近以希古賢人所謂久大之業者則使者之願望庸有既乎余嘉郡守之勤事而樂觀厥成也因誌其倡議之功以驗後之來者其集捐之數另刊於碑後云

晉暨陽縣署在今楊厘鎮蓋置縣而建治於此非復秦漢以來舊鄉境矣宋齊皆因之暨陽舊治黃志謂在楊厘蔡志謂在莫城未知孰是

然黃志在蔡志前二百五十餘年較為近古今從之

梁江陰郡治在今縣治東即所謂古城者領縣三日江陰

在郡治內曰梁豐即晉之暨陽曰利城在縣西五十里利港

陳即梁郡治為江陰國其江陰郡治則徙建於夏浦在縣

西十八里是為艦浦城江陰縣治附之梁豐利城從梁

舊按夏浦在縣西十里云十八里者舊志據寰宇記文也城之所在或小遠歟

隋江陰縣治即陳江陰國蓋蕭社既除陳郡又廢乃自夏

江陰縣志

卷一

建置 官署

三

浦復遷於此也

唐暨州治即隋縣治

按州制與郡治不同州自治一方而兼領諸縣郡直領縣而已不自治也

史謂唐以江陰縣置暨州又分江陰縣置暨陽利城二縣屬之則唐建暨州據江陰之舊治自治江陰一方

又復利城之故地還利城而治其西復梁豐之故地還暨陽而治其東而暨州兼領之也厥後省州為縣復即

此為縣治焉

南唐江陰軍治在城西北隅即今之縣治也自楊吳改築

江陰城南唐因徙治於此

宋江陰軍治仍南唐之舊天聖初知軍范宗古剏建鼓角

門治平元年知軍徐師閔增置銅壺漏刻既久而廢紹

定間知軍史雋之撤而新之鼓門外為亭四東宣詔其

南東新西頌春其南西新儀門在軍門之次列戟十二  
內有甲仗架閣二庫對峙於東西廡儀門直北爲設廳  
其後雙檜堂設廳而外以廳名者二曰常廳簽廳雙檜  
堂而外以堂名者三曰清白三清愛山其以閣名者蓮  
風朝陽以齋名者尊美舊名克齋知軍嚴煥所建寒碧以亭名者射  
亭梅亭百草清婉芳渚練江其外若漾花池若雪窗若  
浙西道院尤最著者其江陰縣治則在太平塔之南自  
熙甯廢軍以軍廨爲縣治者四十六年舊宇日以頽毀  
建炎復軍乃徙寓於僧舍紹興二十一年知縣趙煥之  
卽舊治更新刵建凡爲屋一百三十楹規模之偉加於  
江陰縣志

卷一

建置 官署

三

前矣歲辛巳節使李寶以水軍分屯於此遂以縣治爲  
節堂縣令及簿權寓廣福寺暨李寶還屯許浦乃復紹  
定二年知縣林庚重修內外一新改築敬簡堂先春堂  
增葺拙堂刵建冰玉堂及四亭曰見山曰兩山雲曰雨  
亦奇曰兼淨

元江陰路治卽宋軍治至元十六年建總管府歲久圯壞  
總管李思恭重建至元二十八年降路爲州官署不易  
後至元五年知州盧允恭增建儀門正廳前後共十間  
至正十二年燬於兵僅存廳事

明江陰州治仍元舊洪武二年改州爲縣知縣吳志遠修

之二十四年縣丞賀子徽增修宣德五年知縣朱應祖  
建譙樓天順五年知縣周斌更造堂舍宏治八年知縣  
黃傅合內外通葺其莅政之堂曰治廳前爲飛軒贅以  
露臺中有甬路立戒石亭兩旁夾以廊舍其前儀門東  
西各爲榜廊東盡爲獄外鼓角樓其下累石爲址中爲  
正門門外左旌善亭右申明亭治廳之後爲川堂爲兩  
廂房川堂之後爲便堂堂左室爲書房右室爲庫房西  
北隅爲儀仗庫便堂之後爲正衙有燕廳川堂寢室燕  
廳之東達觀樓樓下省吾軒西爲西齋又西客廚廚前  
有井由井北入迴廊四五步折而西爲鎮躁園園西半

江陰縣志

卷一

建置

官署

三

爲澄心池池中爲寄傲臺臺西爲富春洲池東隙地爲

蔬畦舊有筠軒

洪武初知縣范質所作

琴月堂

永樂中知縣蔣宥所作

俱廢

治廳之東舊列三丞之衙一衙有雪巖堂

洪武中縣丞李鳳所作

後裁勸農巡捕二丞止存水利丞解而巡捕丞解則典

史居之治廳之西主簿衙其內玩芳堂

宏治十年主其簿劉道所作

已廢之雙鶴軒亦莫詳其所在也合計縣址東西得五

十二丈南北得六十六丈嘉靖十一年知縣李元陽倣

古設銅壺滴漏尋廢萬曆二十九年知縣郝敬改縣治

於治廳後撤去川堂廂房別爲考室三楹坐西向東顏

曰見節以庭前古柏故也儀門外西上爲倒屣堂以肅

賓客

國朝縣治仍明舊康熙三年知縣何爾彬重修五年知縣冀

爾公建荷亭三楹十一年知縣龔之怡建燕喜堂五楹

二十二年知縣沈清世重修大堂乾隆二年知縣蔡澍

重建大堂五間左右廊舍各十二楹

東為吏戶禮倉冊房西為兵刑工承

發水利房勸建刑阜班房各三楹又葺川堂架閣庫向日堂

舊為見

節堂 桐蔭堂書舍桂室乾隆四十二年大堂滲漏知

縣彭維熙重建道光十四年知縣陳希敬修整鼓角樓

重建儀門十九年署縣陳延恩於聽事之堂顏曰見心

堂西廳事顏曰勤補前置花石後臨小池面池建室三

江陰縣志

卷一

建置

官署

完

楹曰省過處池中盤石為臺方廣尋丈架木於中楹之

後以接之上覆以屋名曰心香曲朶武進李兆洛記之

復即池西隙地建屋三楹為諸生月課所旁闢射圃與

武士習射其中燕喜堂後本建有樓年久就圯因其故

址建樓五楹左右繞以迴廊落成之日有燕來巢因顏

之曰後燕喜樓咸豐十年粵逆騷擾椽瓦無存同治二

年克復邑城歷任知縣或借寓民房或寄居公所而考

試則在邑廟牢獄則在大街張氏曠宅同治十三年知

縣沈偉田始議就合邑啟徵田畝分年帶捐詳請次第

建造以復舊貫光緒二年興工越明年而竣事其制前

爲照牆南西二面各有牌坊南額曰暨陽古邑西額曰春申舊封兩旁班房各九間進爲頭門上建鼓樓三間中爲甬道東爲內監提牢三間及碑亭一座又東爲土地祠三間路西爲掣串房六間外監房八間中爲儀門三間翼以耳房兩間庭之中列戒石亭進爲露臺臺之下東西刑阜班房各三間兩廊科房各十二間由露臺進爲泊水三間再進爲大堂三間左右副房各一間又左招右簡二房各三間大堂後爲川堂五間東爲架閣庫一間及門阜房二間西爲庫房三間中爲宅門內爲見心堂五間迤西爲花廳三間簽押房三間見心堂後

江陰縣志

卷一

建置

官署

三

爲燕喜堂五間又後爲後燕喜堂五間宅門迤東爲門房六間北爲廚房柴房等共十二間西爲幕廳三間爲勤補堂六間南爲幕賓房十四間暨從屋五間廳之後爲省過處三間北爲內書房三間後爲對照廳六間計工料錢三萬二千五百餘緡

浙西道院記

元邑人 陸文圭

暨居大江之陰東西南百里之近所統狹無監臨隸屬之煩所處僻無將迎傳送之勞所治簡無爭鬪獄訟之囂古稱浙西道院名者謂其清靜簡易無爲而化如眞仙隱士之居窮林絕島迥隔塵凡不知其爲官府之處也江南道院十有餘所淮東南則如泉崇川江東則當塗高安湖南北則臨武長林閩之臨漳廣之蒼梧皆是也而暨獨稱於浙右浙水至錢塘分流左右其間列郡十有五唯暨最微眾大不如杭奢麗不如蘇富庶不

如湖秀然暨獨被善名者則以暨之俗非蘇之俗暨之民非湖秀之民也昔者延陵公子崇退讓之節於爭奪之吳春秋嘉之實啟封於茲土而衣冠之藏隸刻猶存香火之祠綿歷不廢淵源漸被有自來矣人其境農樸而嗇力耕而奉公百工之器質而不窳拙而不華商賈裁通有無而無高資厚殖之家士大夫居處循禮好學而不奔競入其官府官吏畏法而不私守職而能勤平旦視事日晡而散庭寂如水旁有老檜槎牙雙立清風肅然令人心醒道院之名不虛得矣周亭故有匾後遷之廳西己丑張溫夫書又七十有七年而郡人陸文圭為之記

### 改縣治記

明知 郝敬

先君子為令明作每事獨任而最不喜堪輿言有以術見者輒嫚罵之山中誅茅一畝率意規畫所稱八卦五行方位生尅之忌置不問也先君子五十考終母氏每泣而語諸孤曰是宅相之咎也且戒之曰汝作人不若父端居官不若父廉徒效汝父滅裂陰陽是自求禍耳不孝技淚而書諸紳萬歷庚寅捧檄縉雲縉雲官舍舊

## 江陰縣志

### 卷一

建置 官署

三

稱不吉以初任未遑改作無何喪一妾殤一子明年調系嘉官舍又稱不吉乃稍稍易其方向甲午內召人謂宅相之應也邇年放逐奉老母餬口四方庚子遷江陰江陰負君山而城大江之支滙為黃田繞乾歷異逶迤東折秦望由里諸山羅立如護衛然可謂名勝之區顧其官舍年久傾圮地復沮洳行其庭晦昧黯慘白日無光先子令者客死左遷內外艱去十餘年間六七人矣卜地地勝卜人人賢論者歸咎於宅謂更之當得吉也嗟夫子三仕為令矣三易地而皆不吉焉往而得吉哉且予白首播遷於十四年老邑宰誠樗散無所用之已則不吉而欲移禍於數椽之屋無當也無何果殤一子僕病夜見鬼物母氏惡之攜婦子西歸濱行屬之日室更吾來不更吾不來矣汝其歸乎不孝乃移文乞休而當事者勉留不得已始為改作會歲大水用訃且作且輟辛丑工半壬寅落成計前後為屋四十間棟棟稱是為戶九十所窗牖稱是為牆百堵軒巷稱是為費四百八十金楔糧稱是為五月二十有二日老母率婦子來居之邑父老相與觴予而祝之日地得其良日協其祥華屋堂堂我侯戾止既壽且康再祝日黃山崔崔黃水瀾瀾退食委蛇壽母令妻我侯樂胥老母率婦子停觴



而聽之樂也會直指課吏注江陰闢葺考下下母氏愀然舉酒醉先君於座進孺子而數之曰吾疇昔之訓汝忘之乎汝父薄冥冥之數而修皦皦之行汝習指據之勤而忘靖共之節凡事忽於細者嘗精於大修飾於末者反闕葺於身二者於名孰重夫宅兆可以徵吉人而非以庇凶士卜筮所以相君子而不以告匪彝使象居舜宮其能吉乎幽隔宅瀝洛其弗凶乎茲邑之有官舍舊矣昔人不加飾而令聞不損汝早暮僕僕而所就日卑繇此論之室耶人耶小子慎之爾其勿忘闢葺之戒吾為爾訂戶牖之銘維南有堂銘曰明作爾升斯堂執事有恪維北有樓銘曰風力爾陟斯樓振襟獨立不屬醜睨彼中堂銘曰抖擻闕之不類是曰罷輒銘爾東房支闕之館葺為亂草厥象糊塗銘爾西舍葺葺之居烏乎小子棄爾擁腫勉自逢迎庶勿闕葺敬拜稽首敢忘慈教沐猴而冠從古所誚記之貞珉以告同調我言維服勿以為笑

心香曲象記

國朝郡人李兆洛

江陰縣志

卷一

建置

官署

三

江陰縣廨廳事之西有閒館前置花石後臨池池廣如館池中央登臺廣如一楹草宅之不可登也雲乃先生架木於中楹之後而接之施屋其上從旁而視比舍如跌所構蕤然如花心入其中屏欄折旋八窗洞達子因署之曰心香曲象蓋先生盡心於民隱曲畢達疑香燕寢此焉存錄取適異乎小眠起草同乎精思不可以無述也

重建江陰縣署碑記

知縣

沈偉田

光緒丁丑夏五月江陰縣署落成邑紳陳君榮邦等來謁予曰自公之莅吾邑也政通人和百廢具舉凡修城隍輯志乘等皆將以次蒞事而重建縣署為工尤鉅是不可無文紀之予維江陰環山枕江素稱殷阜兵燹後民力凋敝元氣未蘇予莅任以來不能興養立教以撫綏吾民而復屢興徭役俾斯民重困將慚慙之不暇何敢自張其能鑿碑以示後哉願念是役之成子與陳君等夙夜經營心力俱瘁竊恐後之來者忘創始之艱而樂觀成之易也是不可以不書攷之邑志江陰縣署在城西北隅南唐時徙治於此宋元明因之

二百餘年雖屢有增修俱仍舊貫自粵匪之變城中廟宇俱毀於賊厥後文廟試院及書院忠義祠等皆次第興修而縣治舊址尚鞠為茂草宰斯邑者或僦民廩或假公廨因經費支絀卒未暇議也甲戌冬予捧檄是邦下車時寄居邑之盈安倉比年來年豐歲穰民力稍裕因與邑中諸君子共謀興作諸君咸踴躍從事遂於光緒二年五月鳩工庀材閱十二月而工畢凡門序堂室廊廡庖湍之所以次相屬計屋二百五十三楹統費錢三萬二千餘緡民錢不足益以官墊度地擇日者為邑紳沙君淮籌畫贊理者為邑紳夏君煒如而予與陳君總其成江蘇候補縣趙君景熙監其役工堅料緻較舊治有加焉今歲春予移居是間觀其基局之固護則思民力之普存念締構之艱難則思民勞之宜恤瞻門庭之洞達則思民隱之難周厯房宇之深窅則思民情之易壅然則是役之興豈第侈廣表崇輪奐哉後之坐堂皇蒞民事者庶幾興養立教以輔予之不逮則非獨予之幸抑亦江邑士民之幸也夫

縣丞署在縣堂之東順治六年重建歷久圯壞乾隆六年

江陰縣志

卷一

建置

官署

三

縣丞陳逢霖蒞任出己資次第修整前為屏牆進為頭門次為儀門中為治堂堂後為宅門門後為便堂堂後為燕廳由治堂東為鳳來書屋書屋之後為內房其側為廂房通寢室並內房而西為荷廳咸豐十年燬

重葺衙署記

國朝縣丞 陳逢霖

官有常而守官者無常凡升沈遷徙各隨時異故視所居廨舍若郵傳者古今往往然也況丞之為職昔人所云鴈行署牘終日哦松撫石者其以郵傳視廨也更無足怪余始筮仕而授丞蘇郡之吳縣再徙崑山值所居湫隘間嘗修飭之矣三徙而來澄葺廳事一望堂垣欹圯庭廡榛蕪僦廩以居詢掾吏曰前任何以處此廨耶掾曰擇未圯室居之逮其將圯則又徙之他室予恍然曰此署之所以全圯也物衰則復致至則變其在此時乎爰謀撤內外而新之計工酌費為金四百餘傾囊贍之不足長官蔡公鑒子忱而仗助焉為治堂為便堂為

燕廳爲書屋爲內室廂房爲荷廳及門序廊廡庖湑以次相屬各若干楹經始於乾隆七年四月落成是年九月而予之心力如田間主伯驅荆拾礫以肇造其室家旁人或啜然而笑呀然而怪謂予計之左者揣其意不過曰一官如寄曷爲逆旅而爲經久之圖耶顧予惟郵傳視瘠者之多而必崇其堂寢固其藩翰使旦晚問事退食委蛇不至有屢遷其室與僦寓民塵之患則及署之成而肅觀瞻襄政理無不在是焉豈敢自張其勞哉而創始之心有如是者爰書而志之是爲記

教諭訓導署在學宮東西詳見學校

巡檢司署舊設巡檢司四員申港石頭馬馱長壽也自成化靖江分縣馬馱一司屬靖轄其申港易爲利港長壽易爲范港與石頭而三至萬曆七年省范港止存石利兩司俱有署一在丁墅利港一在大橋石頭港其後兵

江陰縣志

卷一

建置

官署

三

毀無專署雍正五年又省利港併石頭爲一司亦無定署僦居民舍而已乾隆二十三年改爲顧山司建署顧山鎮咸豐十年傾圮克復後歷任巡檢修葺

典史署在縣丞署之左其儀門治堂均如丞制堂前兩旁爲吏書房由堂左折而入爲宅門宅門之後爲中堂堂左書舍堂後寢室咸豐十年燬

長江水師協鎮署在北外澄江橋西北同治十二年金陵工程局委員監造其制前爲屏牆周環牙柵東西翼以轅門東額曰海晷鎖鑰西曰澤國干城內鼓亭對峙左右列石獅中爲頭門兩旁耳房進爲儀門兩旁耳房迤

東爲土地祠更進爲大堂東西兩旁爲官廳前爲抱廈  
堂之旁爲耳房其東爲軍裝樓堂之後爲川堂爲宅門  
爲二堂堂之前列廊房西爲伴僮房左右爲花廳東廳  
之前爲對廳後爲廚房二堂後爲樓房爲寢室附以從  
屋西爲教場繚以垣墉中爲演武廳

遊擊署在大街高巷東本黃氏民房改爲署前爲屏牆東  
西翼以轅門門內鼓亭二中爲頭門左右爲班房迤門  
而西爲官廳進爲儀門更進大堂左右列以廊房堂西  
雙桂廳更西卷房大堂後爲二堂堂後宅門門東住房  
門西廚房門後寢室室後射圃咸豐十年燬

江陰縣志

卷一

建置

官署

三

守備署在大街虹橋西本戚氏民房改爲署前爲屏牆東  
西列柵內爲頭門左右爲班房迤東土地祠進爲儀門  
更進大堂堂之旁卷房大堂之後爲二堂堂內左書房  
堂後寢室室旁廚房室後後屋屋後軍裝庫咸豐十年  
燬

倉庫

盈安倉舊名永利倉在中街協鎮署東初爲濟農倉明正  
統元年知縣王子倫建歲積起運餘米以備凶歉者也  
而永利倉故基則正統二年巡撫周忱以舊倉散置各  
鄉事勢而弊多因併建於朝宗門外一里許宏治九年

巡撫朱瑄又爲撤舊更作嘉靖間毀於倭乃卽濟農倉  
改建之崇禎初移倉青陽民苦不便知縣馮士仁申請  
復舊其制周垣延繞前大門中廳事旁燕室東西廩房  
前後各數重其屋一百四十五間傍河爲後倉門

國朝道光間知縣葉維庚易今名咸豐十年燬同治七年重

建房屋一百間

計支工料錢七千五百五十餘串由縣籌撥公款

屢豐倉道光十七年知縣蕭蔭恩以舊倉不敷貯米詳請  
於舊倉之西建屋五十一間咸豐十年燬今未建

和豐倉在縣治西南卽宋之都倉也至元間改建易今名  
其後遞有增修今爲春辦白糧所前爲頭門次爲二門

江陰縣志

卷一

建置

倉庫

三

旁爲燕室室之後廳五間廩房十間日房六間咸豐十  
年燬今未建

常平倉在縣署西爲積貯存留米石所

國朝雍正七年知縣魏化麟建廩四十間九年知縣蕭廷瑞

增三十五間俱領帑建乾隆初知縣蔡澍添建倉廳三  
間牆門一座東西屋各三間廚房二間咸豐十年燬

架閣庫在縣宅門東宋在儀門內之西明在東曹諸曹案  
牘在焉

國朝順治間移建今所四圍甃石堅整

刑獄

縣獄在鼓角樓內儀門外東偏圍牆四周外爲監門門屋  
一間西蕭王堂女棚屋二間更房三厦東刑吏駐宿房  
三厦中爲二監門門屋一間重囚監屋二間一厦東廚  
房一間俱康熙四十五年奉文遵造乾隆五年立木榜  
於堂左禁卒八名件作額設二名學習二名囚糧每圍  
名給米一升燈油柴薪鹽菜錢五文永爲例圍  
牆外向有禁卒班房年久傾圮乾隆六年知縣蔡澍重  
建守獄卒房三間營兵駐宿房一間咸豐十年燬同治  
七年署縣汪坤厚重建房屋十九間計支錢一千七百  
串由縣籌撥公款  
光緒三年知縣沈偉田添建蕭王堂三間工料由建  
縣署分撥  
自新所在大街文亨橋北坵本社倉廢址道光十八年署  
江陰縣志

卷一

建置 刑獄

三

縣陳延恩建咸豐十年燬今仍建積穀倉見積  
貯

官宇

駐節亭在朝宗門外端明橋南舊在宋五里亭故址明洪  
武中知縣王衡建宏治中典史黃泰修天啟六年知縣  
岑之豹移建今所

國朝乾隆初知縣蔡澍重建咸豐十年燬

添設北外駐節亭在黃田港東房屋三間鼓亭二牌坊一  
同治十二年由長江營建造

駐節亭記

明知 黃 傳

宏治癸丑夏六月朝廷以傅知江陰事而以南昌黃泰  
爲典史冬十月朔同載而至適承窮敝之會舉目入望

江陰縣志

卷一

建置 官宇

三

周匪凋缺稍稍補飾且三匪星紀工不告訖維是南城之南水步代換之次舊有門曰迎恩兩柱腐墨戴莽街菌艱窳雨日中為客惡厭為居人恐畏有亭無名為賓旅至止主人將迎候息之所白屋三楹楹間土牆圍之北榮朽壓如鳥折翼敗瓦擁戶蔓草入牖伊威蠨蛸觸撲眼面漏水滴地為蹄涔為蟪蛄履之者跛焉子甚毒之未有以為也一日泰請曰盍新之予漫應之曰豈不可哉居無何告材具矣卜得日矣匠工集矣越兩月有門弈然有亭赫然煥然棘然若天墜而地出然究其故則門易以新名仍其舊曰迎恩亭增其舊名剗以新日駐節既壯而華又整以潔以璧以翠以碧以護木不呈膚牆不露污地不獻塗有曠可羣有密可休有溜有庖可燕以游總其費蓋百數十金不誅於民不丐於公不知其所自來也噫亦才矣落成之日題其額之左方曰年月日知縣縣丞主簿典史某某建鳴呼是誠何心哉夫典史之於縣官末也百廢并而罰不及焉百為舉而廢不加焉者也泰也無上官之命無寮友之託無下民之請特以一方視瞻之故與往來賓旅之計不槩於其心俛焉孳孳忘其責不在己而惟力之圖不施勞不矜能不街名侵尋乎君子為己之事求之於今之世此豈可多得哉予尸焉而享其成私竊愧之故為之書纒諸碑以志其善以著吾愧若夫一亭一門之政二三十年物耳何足以累金石哉

迎春館在春暉門外一里許舊在章橋南名起春處明宏治十年知縣黃傳更今名正德八年知縣萬玘以春當迎於東郊改建今所每歲班春先一日祀句芒神於其中咸豐十年燬

汪公亭在雙牌一保鳴鳳橋西同治七年署縣汪坤厚濬東橫河七十里灌溉田畝數千頃士民德之建亭以誌有公建碑文見河港

養濟院在東城內祥符寺西養民之窮而無歸者明洪武

七年知縣饒元德重修宏治十年知縣黃傅重建其制周垣延繚南嚮爲門橫門爲溝溝上爲橋度橋入門爲官廳廳左右及倚牆四周皆居廬其屋一百十五間續增至一百四十一間咸豐十年燬同治八年署縣汪坤厚捐廉重建計房屋三十六間列冊食糧者三百二十十五兩一錢八分九釐遇閏加銀十兩四分四釐口糧米九百十八石七斗二合遇閏加米七十六石五斗五升八合五勺另於同治五年知縣顏榮階捐給棉衣各一件七年署縣汪坤厚每名折給錢三百文以後照給已廢各字附

申明亭 旌善亭俱在縣治鼓角樓外

光華館舊爲使星館在善政橋西北宋建

### 江陰縣志

#### 卷一

建置

官宇

三九

行衙亭在聖母橋南宋建

公使庫在縣治設廳之東宋命諸州置

黃志云宋法猶有古人之遺風

焉有周之制三十里有宿宿有委五十里有市市有積牢米薪芻瓜瓠葵芋館舍飲食莫不備具以待四方之賓客羈旅使天下之人走天涯如遊里巷所以懷柔遠人宣暢王風以成禮俗也宋命諸州置公使庫過客必館寓下逮吏卒亦給口券嗚呼君子哉法歟何其忠厚似周公也堂堂諸侯七邦衣冠之類相遇一揖而別勺水不以入焉豈人理哉

熙春樓在古城巷宋建

翠光亭在光華館之北宋建

市舶務在光孝寺西其內有寬民堂宋知軍顏耆仲建多是堂在市舶務西宋建



養貧院初名漏澤園宋崇甯間置紹定元年知縣林庚增廣舍宇環植以松以處流移貧窶之民死得瘞其地惠民藥局在城隍廟西備蓄藥餌設官掌之療貧民之病元建

察院爲監察御史莅政之所在縣治東明洪武初知縣吳志遠建

都察院爲巡撫莅政之所明宣德初建今爲督學署道署舊在中街儒學東明萬厯初建

國朝康熙元年省道缺十一年以京口水師總兵官移駐三十六年改設副將署仍之旋廢道光二十三年重建爲

江陰縣志

卷一

建置

官宇

四

副將署並於署左建遊擊署咸豐十年燬同治七年改爲內河水師淞北營移駐常昭邑城海防廳署在縣治東其初爲府館明萬厯間移海防同知分駐江邑遂以爲專署

國朝乾隆二十七年移駐六塘

主簿署在縣署西咸豐二年奉裁十年署燬

水師守備署在中街布政坊巷西咸豐十年署燬同治七年改內河水師淞北營移駐常昭邑城

楊舍都司署在楊舍堡明爲參將署

國朝爲守備署後改都司署咸豐十年署燬同治九年江蘇

裁改水師案內奉文專管陸路移駐常昭邑城

御膳廠初名醃曬所在南所巷西歲進子鱗魚於此醃

曬明宣德七年建正德九年重修有坊四柱臨市河顏

曰方貢天啟元年搜括無礙空地易價充餉止存廠基

五分有奇

望節亭在蔡涇開西為上官行部吏卒候息之所明宏

治十年建

望來亭在天慶門外明萬曆中知縣郝敬建

國朝乾隆初知縣蔡澍重建咸豐十年燬

五里亭二一在朝宗門外去縣治五里臨九里河明嘉

江陰縣志

卷一 建置 官宇

望

靖間邑人陳力石建一在天慶門外

禪鄉館在利城禪鄉寺為官司路饌之所明萬曆中建

公所 附

八邑候點公所在學轅東咸豐七年合屬公建

知府平翰 禁示勒碑

咸豐十年燬 同治八年知府扎克丹通飭各屬集資重建

禁示碑文

知府平翰

署常州府平為勒石永禁事案據常屬武陽紳士翰林  
院侍讀詹事府左春坊贊善趙振祚翰林院編修趙曾  
向錫金紳士前臺灣淡水同知杜紹祁候選直隸州州  
判賈承焯江陰紳士內閣侍讀前貴州廣順州知州章  
詒燕戶部主事陳榮紹宜荆紳士翰林院庶吉士任傳  
綸知州銜陝西韓城縣知縣沈雲驥靖江紳士就職教  
諭朱學瀾試用訓導孫瞻洛稟稱常郡士子眾多每屆  
院試點名互相擁擠以致點名遲滯道光戊申年另設

籤牌庶得從容挨次又慮陰雨泥淖站立雨中前於庚  
戌年九學廩生鄒毓彪杜友房左昭楊日新趙受恒承  
越薛沈錢勗鄒光鑑顧潮周墩蘇逢盛任所潘兆甲李  
嗣公談汝諧瞿鉞鄭庭榮等呈請學憲青於院署東轅  
門外隙地建造房屋為八邑生童臨點挨次守候之所  
業奉批准飭行並由各學舉董承辦前二進俱係新建  
其第三進係賚奏廳舊屋另建第四進彼此互換屋宇  
煥然裝修全備工竣之日由江邑驗明詳報在案近年  
歲科試遵行極為妥善所慮日久月長居民侵佔以致  
仍舊擁擠故轍為此呈求出示勒石曉諭前三進永遠  
作生童臨點守候之所不宜別作公用致礙考試庶得  
協力遵行以圖久遠從此輩飛永固合郡仰荷併蒙魚  
貫齊聯儒林共沾樂利人皆戴德士各銘恩等情到府  
據此查該院為掄才之地宜肅觀瞻士子當入場之時  
每虞擁擠該廩生鄒毓彪等於學憲東轅門外隙地建  
房屋三進俾生童點名時得在此守候即遇陰雨無患  
泥塗更不致互相挨擠實為一勞永逸起見事屬可嘉  
特恐民居稠密蹂躪固在意中時代云遙侵佔亦所不  
免仍致囂塵湫隘多士仍無休息之區上漏旁穿臨試  
仍乏雨風之蔽本府實所深慮茲據該紳士具稟前來

江陰縣志

卷一

建置 公所

四

除批示外合亟出示永遵為此示仰闔屬廩保生童以  
及附近居民人等知悉嗣後學轅外房屋前三進永遠  
作生童臨點守候之所不准任意蹂躪侵佔別作公用  
致礙考試倘置若罔聞輒敢仍蹈前項諸弊許廩保生  
童等赴地方官衙門指名稟究以憑盡法懲辦庶幾班  
聯鷺序預為未雨綢繆喜洽鸞旂從此干霄直上各宜  
稟遵毋違特示

東南鄉試館在北城內大街司馬坊西律字號丈基七畝

三分有奇同治六年撥清糧節省經費建另報買谷瀆

港東灘地俟丈定陞科採息以為歲修添建等費

西鄉試館在西城內布政坊巷同治六年撥清糧節省經

費購屋一所計十二間完糧秋字號丈基七分四釐有

奇

義局

育嬰堂在南街迎福寺西

國朝康熙間知縣陶燹捐置田四十五畝將以營建堂宇尋擢去繼任黃和中於西內青龍街捐買民房八間欲為堂而未果雍正十一年知縣郭純奉文舉行從諸生夏宗洛陳大受等議集捐購買民房十四間撤前令黃所買屋材以充修繕自後屢事增拓大門三間東旁屋二間庭中為涼棚以達廳事左右為掌會計議公之所各二間廳事三間東為貯米薪所二間中門內居嬰孩乳婦室三重重各三間東西為乳婦炊爨所共四間咸豐

江陰縣志

卷一

建置

義局

聖

十年被燬大門三間存廳屋殘破同治間陸續建復房

屋十一間光緒三年重建廳屋三間及從屋五間

內堂乳婦

原額十口嘉慶八年增四口外堂乳婦無定額

現在管業不等漕田一千三十

六畝五分有奇

陳志載漕田九百三十六畝七分三釐歷增漕田九十九畝七分有奇

沙

田一千七百六畝有奇

陳志載二百九畝八分從前坍沒田畝道光十九年前董張世

承呈請勘詳復業後又陸續承買

山八十二畝蕩九畝二分有奇

陳志載十

四畝灘一百十八畝另置義塚

陳志載田埭五畝五分一釐兵燹冊失今列現

編字號西外基字二百三十八號丈田一畝二分二釐有奇二百三十九號田九分一釐有奇二百五十五

號埭三分七釐有奇二百六十二號田五分二百六十七號田一畝六分一釐有奇二百七十五號埭一畝一

分三釐有奇三百三十六號田六釐有奇三百三十七號田一分四釐有奇三百三十八號田二分一釐有奇

三百四十二號田一畝一分三釐有奇三百四十四號田一分七釐黃山保大鮮字六百六十八號峰五分七釐有奇七百二十五號峰七分七釐有奇七百三十七號峰八分五釐七百三十八號峰四分五釐有奇雙牌二保羔字峰六市屋一所即蔡志施江海關月捐錢二千四百文分棺局今廢

普濟堂

國朝雍正五年奉文建知縣祁文瀚將邑之章卿華墅馬鎮

夏港前周養老堂五處詳改爲之章卿二保屋三十四間田五十五畝有奇

順治間民人錢鳳春等捐建華墅四保屋二十八間田四十一畝有奇康熙間民人朱應章捐建馬鎮八保屋

四十一間田八十九畝有奇康熙間民人孔漢昭捐建夏港四保屋二十六間田四十七畝有奇康熙間民人

朱安龍捐建前周三保屋二十四間田一百五十二畝有奇康熙間民人呂見聞捐建

知縣蔡澍將周莊璜塘養老堂二處亦詳改爲普濟堂

江陰縣志

卷一

建置

義局

器

奉行未久旋即廢弛周東六保復於乾隆十八年公建房屋三十九間置田四十畝有奇仍以普濟名堂自後

有增添咸豐十年邑遭兵燹堂宇毀傷今漸次興復茲

列現管房產於後馬鎮存屋三十四間田九十二畝九分有奇周莊存屋十五間田五十三

畝九分有奇章卿存屋十四間田五十二畝九分有奇夏港存屋十五間田六十一畝九分有奇華墅新建草

屋十間田五十四畝九分有奇又陳志漏載峭岐一處房屋三十間今存十三間田二十六畝七分有奇同

治十一年綺山民人劉邦彥等捐建房屋正側八間置

田八畝四分有奇稟請立爲普濟堂光緒三年增建正

側屋五間

公善堂在廣福寺西偏水月菴故地

國朝嘉慶十五年邑人公建中爲呂祖堂東嚮其外左右爲

兩朝房中為外堂其屋兩進十有五間二十四年邑紳汪道平等呈請各部舉行贈材惜字扶病敬節卹寒掩骼蓄汲七事邑人孫兆鯨倡捐千緡及眾姓躉捐置田五百十一畝有奇沙田四百二十畝有奇又眾捐田一百二十四畝有奇周姓捐北內五保原典趙姓屋一所各典每年捐錢共三百九十四千文庫房四十千文花戶票捐一百千文海關五千六百文各槽不等置有義冢田埒山地共十九畝七分有奇設立碑石禁止樵牧咸豐十年堂宇被燬同治九年邑紳呈請權設愍忠祠照舊舉行七事明年春就祠西隙地建殿三楹倉廩一

江陰縣志

卷一

建置 義局

聖

間後廂四間殿奉 呂祖粟主光緒元年學使林天齡捐廉塑像文以記之其經費現管漕田一千三百十四畝有奇沙田七百畝有奇知縣歲捐廉錢二百二十千城內兩典歲捐錢二百十六千江海關歲捐錢二十八千八百文估衣行歲捐錢三十千城廂各行鋪約捐錢二百四十餘千 此項捐錢無定數就現年登錄 現管義冢 雙牌羔字二分九釐有奇二百九十五號田二分六釐五百八號田八分九釐有奇朝陽關外文昌寺前共田六畝一分有奇南外維字七十二號埒三分四釐九十九號墩七分六釐有奇一百四十八號埒一分七釐有奇一百五十一號墩二分七釐有奇二百一十三號埒三畝二分六釐有奇二百四十三號埒一畝九釐有奇二百四十五號埒二畝二分五釐有奇二百四十六號埒一畝八分二釐有奇克字六十號埒二畝四分六釐有奇新增城基

二畝西外基字二百六十九號埽九分八釐有奇新增  
三百五號埽六分北外面字六十四號埽二釐七十四  
號埽九分六釐有奇八十二號埽五分浮字一百十二  
號田二分一百十三號田五分五釐有奇一百十九號  
田一畝五分八釐有奇渭字九十一號山三分九十五  
號山二分三釐九十六號山四分九十號山一畝七釐  
有奇宮字號田十畝有奇埽七畝三分有奇山六畝一  
分有奇新增宮字一百九十五號田五分蔣德明捐

### 公善堂呂祖殿記

學政 林天齡

仙而祀於神者惟  
呂祖靈蹟最著道家所尊為  
王清內相孚佑帝君位與文昌埽其香火盛於京師達  
於寰宇有方藥百義病者禱輒應尤便於貧無力延醫  
者蓋能以仁育之心普道濟之量固宜於琪琳菴道光年  
乎如在其上也江陰舊無專祠附祀於琪琳菴道光年  
間邑人沙瀾在公善堂後建殿五楹虔奉  
神像庚申燬於兵火迄同治九年善堂始復擇城北愍  
忠錢公祠葺而新之其旁有屋基因復以建  
神祠舉孝廉方正章仁基等董其事夫行道有福神所

### 江陰縣志

#### 卷一

建置 義局

巽

佑也邑之人以公善為心樂施濟而不勸書曰惠迪吉  
又曰作善降之百祥則  
神之日監在茲有不馨其明德而樂與憑依者乎余以  
光緒建元來謁祠捐金重為肖像並廣抄藥籤以便祈  
請因誌祠祀之緣起  
泐石俾垂永久云

### 儒養局

附

同治八年奉文舉行查城鄉已故生員之妻貧

苦不能度日者每口日給米半升分端午中秋年節三  
次照時價折錢周卹歿後給棺殮費錢十二千文署縣  
汪坤厚撥捐常陰沙權租田三十畝生員夏翼南捐壽  
興沙板租田七十畝同治十二年署縣金吳瀾詳定按  
年在於條銀平餘項下每兩撥捐錢二文

同善堂在楊庫堡城東門外大生菴西

國朝道光十六年里人周浩捐錢二千繕建屋三重四側每  
重各五間與舊設惜字局樓房十間相連葉廷策郭鴻  
飛呈請通詳舉行惜字贈材義學卹寒掩骼蓄汲六事  
置田充費周浩獨捐常熟田一百五十一畝三分張文  
灝捐錢五百六十千及眾姓樂助節次增置田畝道光  
二十九年添建園後平屋五間并互換大生菴後息園  
一區以作炎暑施醫之所遂增舉扶疾一事文社附堂  
辦理咸豐七年呈請咨部隨議舉敬節恤嬰二事咸豐  
十年堂宇被燬克復後暫設堡城內文昌宮光緒元年  
於原基重建正側房屋十二間現在管業本邑不等田

江陰縣志

卷一

建置

義局

四七

四百一十一畝有奇熟邑不等田一千四十畝有奇江常  
沙田四百八十五畝有奇堡城東外水關街市房一間  
東街市房五間義塾屋一間潛安宮一間俱被燬重建  
東巷門舊管基地一所新置基地一所堡城內舊管基  
地一所新置基地一所北門外捐入基地一所現行情  
字文社義學扶疾卹寒贈材掩骼蓄汲敬節九事置有  
義塚楊舍惟字號十九畝有奇鞠字號八畝有奇養字  
號五畝豈字號八畝有奇毀字號二畝有奇盤字  
號一畝有奇鬱字號一畝有奇章卿效字號二畝才字  
號七分得字號一畝有奇常熟豐一場十五都七半圖  
四字號三設立石碑禁止樵牧  
畝五分

同善堂記

武進 李兆洛



楊舍江陰之附庸也濱江與常熟縣鄰明嘉靖時倭患  
徧江海江濱尺寸置戍楊舍亦要區築堡城置參戎領  
兵宿之閱二百餘年天地清泰生聚日蕃郁然有絃歌  
之風焉堡中人曰附貢葉君廷甲庚申恩科舉人內  
閣中書葉君廷策實以好義樂善倡其鄉道死二年附  
貢君之子州同銜葉朝慶及庠生丁季堂監生馮翼范  
循浩舉子州同銜葉朝慶及庠生丁季堂監生馮翼范  
八年堡人監生周浩捐江陰田四畝以助經費十一年  
捐常熟田一百五十一畝三分始議增行善事十六年  
又捐制錢二千緡創建同善堂房屋一所卽將所捐江  
陰田四畝換大生菴西首餘地以拓基地至十七年秋  
落成邑中故有公善堂因仿其規模於堂中奉呂祖像  
又有堡人千總銜張文灝先後捐錢五百六十千常熟  
沙田四十七畝以贊成事合堡士商陸續捐銀錢田畝  
以襄之所爲善事曰惜字曰義學曰施櫬曰卹寒曰掩  
骼曰蓄汲凡六條己稟請邑侯詳各大憲批准立案日  
積月累費有所餘將舉善事之宜行者悉舉行焉幸其  
有基而弗壞也請爲記以諭于後予曰善者性之德也  
人已之所同也故君子成不獨成善不獨善善與人同  
茲爲大舜故曰好善優于天下大同之世不獨親其親

江陰縣志

卷一

建置

義局

四六

不獨子其子謂此也三代以下以爲小康而周禮六行  
教于鄉必曰孝友睦婣任卹睦婣任卹者同人已也猶  
是貨不必藏于己力不必爲己之意也皇朝寬大湛  
恩時下家給人足浹髓淪肌而天患民病偶有小疹正  
賴此相周相救之誼以彌之不特彌天地之憾推皇  
帝之仁所以使人知人已同源道皆一貫以自復其性  
而歸於醇古之化也諸君乃將悉舉其善事而力行之  
其志願豈不大哉是堂也葉廷甲廷策兩君創議之周  
君浩實成之張君文灝實輔之同志諸君交助之其竭  
力勸捐俾成善舉者武舉邵承烈職員郭鑒庠生丁玉  
堂其董理堂務自矢勿怠者則葉朝慶馮翼暨丁卯科  
舉人太平縣學訓導顧師竹貢生試用訓導郭鴻飛布  
政使理問銜  
葉天慶也

培心堂在北外黃田港口居遭風舟覆無可棲者海甯陳

道修請建道光二十年署縣陳延恩諭董季忻先僱鑽

浪船於風濤洶湧時出江救護稟奉巡撫學使府廳捐

廉爲倡及士商集資建造紅船舳板咸豐十年燬於兵  
燹嗣後借與釐局就基建屋同治八年邑人謝環等呈  
請興復就原址北首建屋三楹側屋一間先設舳板船  
兩隻撈救遭風溺水人船十二年奉藩憲撥銀六百兩  
購造紅船兩號署縣馬鴻翔詳定於每年冬漕公腳費  
內每石撥捐錢五文又撥城內濟美典月捐每年一百  
二十千知縣沈偉田撥濟善典月捐每年九十六千黃  
田港進出重載每船捐錢十四文由江海關帶收以充  
經費原置頭圩沙田十六畝每畝收權租錢一千八百  
文局外餘地每年收地租錢五十餘千董事李榮恩鄭

江陰縣志

卷一

建置

義局

完

惇五等捐資報買巫山沙灘地二百五十畝尙未圍築  
成田

重建培心堂題額

國朝知縣馬鴻翔

余自山左來南見京口下關等處設有救生局深以此  
事爲濱江地方要務迨己巳秋由錫山奉檄來權斯邑  
閱志載道光間前縣陳君於北外江口設有培心堂以  
居遭風無可棲止者並撥船於江干遇有行舟遭風覆  
溺出爲撈救全活甚衆後復集捐歸入登仁堂紳董經  
理自兵燹後船屋均燬經費無出善舉幾廢極思興復  
而不可得正切隱憂適謝廣文與原董季廣文暨章鄭  
朱向諸君子來縣以興復救生善舉爲請余欣然樂從  
勉奏廉銀以助一面查照舊章出示勸諭所幸好善有  
同心罔不慨然樂輸襄成其事現在規模粗定已據諸  
同志會議章程由縣通詳各憲聲請核示在案惟望在  
事諸公實心辦理勿始勤終怠俾善事永垂勿替則造  
福實無窮矣

登仁堂在廣福寺幻居房道光二十二年知縣金咸諭董季忻等舉辦咸豐十年燬僅存管業壽興沙田二百八十餘畝長涇璜塘峭岐等鎮漕田三十六畝有奇以租息所入舉行恤嫠惜字及給發年終貧米

同善堂在華墅鎮護龍菴咸豐十年燬現設鄉約所西嘉慶八年里人章秉鍾創捐錢八百千文章濟陶春煦各助田數十畝以充經費前後積置田三百畝道光十九年里人呈請具詳增設義塾卹貧施藥掩骼等項迨遭兵燹田據遺失現存田一百九十餘畝

同善堂記

梁溪 薛玉堂

江陰縣志

卷一

建置

義局

序

江邑之華墅里夙敦古處其中仁人君子篤於任卹咸釀金歲施寒衣義棺名曰同善歷有年所尊以經費未設作輟靡常賴有章君洪九立志行善疾革時命子姪出制錢八百千屬同人貯典收息卽於里中三教菴設局施送俾存歿均沾實惠陳明邑令備案註冊夫大之生斯世也在上者宣布德業膏澤下於民豐功駿烈銘之旂常在下者惟視其力之所能及而於州閭鄉黨間務有以分災救患若章君者庶幾可以死而不歿於鄉矣今章君卽世已數載其嗣百川及其同人恐日久廢弛欲勒之石因屬序言於余余於是益信善者之有後而又嘉諸同人之克相敦勉者洵不負所託也雖然余竊更有望焉聞惡言而蹙然不安見善行而勃然思奮者人心大抵然也苟能體章君之意而推廣之則積少成多由近及遠又安止爲一鄉之善事也哉余旣應諸君子之請而并言此以爲諸子勸也是爲記

同善堂記

武進 李兆洛

周官重任恤睦嫻之行閭胥族師歲時讀法必書之以示勸其不率者以刑糾之又比共吉凶二服閭共祭器

族共喪器上爲之經畫以利其用而阜其求是故老有所終幼有所長貧寡不相軋而饑寒無由至此民生所以茂而風俗所以醇也至於後世法制不立而民氣日以凋厥賴好行其德者時時慕義強仁推其心而致其力以補經制之闕以彌生成之憾焉江陰華墅鎮章君洪九勇於義者也捐錢八百緡貯典收息歲時施衣施棺名曰同善會其子百川其姪廷楨勤行不怠狀其事上之邑令俾立案得永久遵守初司其事者曰吳補堂繼之者周建英皆敦實綜練發領有方動用有節自嘉慶八年至道光六年復餘息錢五百餘緡以其錢買田四十畝有奇收租以補經費之不逮其始設局三教菴若隘適護龍菴修葺未竣工而匱於財乃捐貲合成之而移局於護龍菴之左廂於是貯棺製衣各有其地而司事者亦有憩息之所焉既成請爲記子惟章君之世濟其美吳周兩君之與人爲善皆合周官之六行而可爲鄙吝瀆薄者勸故效閭胥族師之法而書之

樂善堂在馬嘶鎮南新橋兵燹後存正側房屋二十九間其經費有管業馬嘶長涇章卿華墅等鎮漕田六百四

江陰縣志

卷一

建置

義局

至

十八畝有奇

寶善堂在壽興沙年豐鎮同治三年邑人鄭經呈請設立其舉辦善事仿照城中公善堂章程經費所入有管業沙田一千二百二十七畝有奇

清節堂一在申港鎮街西孀婦劉彭氏等捐建房屋四間一在綺山鎮三保光緒三年節婦馮王氏等捐建房屋八間續建四間管業漕田十六畝有奇五年署縣譚泰來詳準每年於冬漕公費項下提錢四百千文以充經費

樂善堂在青陽鎮錦樹觀北道光年間青上各保捐田七

十四畝有奇同治十三年經董購買沈姓基地集貨重  
建原名勗善堂計正從屋十間舉行惜字義材二事

保嬰局在大街小廟巷同治十二年署縣金吳瀾奉文捐

廉舉行邑人鄭經等募捐定章遵辦貧民生產報局先  
給衣服錢四百文

仍按月給錢四百文半年為止遺腹者加先借設城中  
給一年寄乳者每月七百元一年半為止

湧塔菴嗣於光緒三年呈請撥已廢菴基建正從房

屋六間其經費由官紳商富集成外局棧典關及各鋪

戶按年月資助釐局每月捐錢二千文鹽棧每年捐錢  
七千二百文稅關每年捐錢七千二百

文濟善典每月捐錢四千文庫書每年捐錢二十千文  
魚行每籌捐錢一文城廂鋪戶每年約捐錢二百餘千

文眾姓捐田六畝沙田一畝五年署縣譚泰來詳準於地蘆錢糧公

江陰縣志

卷一

建置

義局

五

費項下每年每忙提錢二百千文以充經費

三官保嬰局在三官二保義塾內同治十二年署縣金吳

瀾諭辦經董楊敦詩徐存性等邀請舉人鄭經募捐興

辦悉照城中章程經費眾姓捐貲存典生息錢二百千

文另置漕田二十二畝有奇

培善堂在三官鎮二保義塾內光緒四年里人楊敦詩等

稟縣立案舉行扶老憐殘矜孤敬節四事眾姓集貲錢

一千串存鋪生息又捐置三官雙牌等鎮漕田七十一

畝有奇租息充費

附

陳氏義莊在南街剪金橋西貢生陳善欲建義莊未逮而歿子宏畧承父遺志捐置義田一千四十五畝有奇以租贍族又祭田一百四十六畝有奇嘉慶八年具題奉旨建坊旌表仍仿蘇郡范氏之法具立規條以昭世守

章氏義莊在東大街楊巷州同銜章衛南有志未逮孫士杰等恪承祖志公捐義田一千二畝有奇以租贍族又祭田一百一十分咸豐八年奉

旨建坊旌表仍仿蘇郡范氏之法具立規條以昭世守

吳氏義莊在顧山鎮監生吳溶有志未逮而歿子友堂恪承先志捐置祭義田一千二百五十六畝有奇以租贍

江陰縣志

卷一

建置

義局

五

族咸豐九年奉

旨建坊旌表仍仿蘇郡范氏之法具立規條以昭世守

孫氏義莊在祝塘鎮陸家橋西孫殿魁置田三百餘畝屋一所族眾捐田六百畝有奇以租贍族又祭田五十六畝咸豐十年奉

旨建坊旌表仍仿蘇郡范氏之法具立規條以昭世守

趙氏義莊監生趙仁基有志未逮子銘普恪承先志積置沙田二千三百八畝有奇以租贍族同治十一年奉

旨建坊旌表仍仿蘇郡范氏之法具立規條以昭世守

江陰縣志卷之一終

